

Tusass

Code of Conduct

Tusassimi pissuserissaarneq

Code of Conduct tassaavoq najoqqutassaq, Tusassimi niuernitsinni ingerlatseriaatsitsinnik nassuiaasoq. Pissutsinut naatsorsuutigisat, qanorlu immitsinnut avataanullu pissuseqassanersugut allaatigineqarsimapput. Tusassip Code of Conductiani sulisunut soqutigisaqaqatigiinnullu suliffimmi pitsaasumi toqqissimanartumik avatangiisilimmi sinaakkutissat nassuiarneqarsimapput, taakkulu Tusassip sumiluunniit akisussaassusilimmik niuernissaanik silatusaartumillu pissuseqarnissaanik qulakkeerinnissapput.

Ingerlatseqatigiiffik Namminersorlutik oqartussanit pigineqartoq inuiaqatigiinni immikkut ittumik akisussaaffeqarpoq. Oqarasuaateqarnermik allakkeriveqarnermillu Kalaallit Nunaat tamakkerlugu pilersuisuuvoq, taamaattumillu nuna tamakkerlugu attaveqaasiortuulluni. Attaveqaasersuutit inuiaqatigiinni digitalikkut ineriartortitsisut qulakkeernissaat suliassaraarput. Attaveqaatinik nukittuunik atuisutsinnut pitsaasunik pilersuisuussaagut, Kalaallit Nunaannilu inuiaqatigiinnut iluaqutaassalluta. Ammasuunitsigut, peqqissaartuunitsigut uppernassuseqarnitsigullu niuernitsinni ileqqorissaarnermik takutitsinissatsinnik pisussaasuuvugut, niuerfitta iluani, kiisalu sulisut, avataani suleqatit, pisiortorfiit kiisalu atuisut akornanni.

Code of Conductimi sammisani ataasiakkaani tamani, suliffeqarfimmi politikkit najoqqutassallu nassarineqarsinnaapput. Immikkoortuni tamani politikkimut attuumassusilimmut linkeqarpoq, Tusassimi piujartitsisumik suliaqarnitsinni, malittarisaliornitsinni ilaasortaanitsinnilu pisussaaffitsinnik nassuiaasut.

Inuiaqatigiinni akisussaaffik

Politikkimut linki: [Inuiaqatigiinnut-akisussaaffik.pdf](#)

Kinguaariit tulliinut, siunissami sulisussatsinnut, avatangiisimut, nunarsuarlu tamakkerlugu nunatsinnilu piujartitsisumik ineriartortitsinissamut Tusassi akisussaaqataavoq. Suliffeqarfittut siunissarput niuernerpullu, nunatsinni inuttassanik- avatangiisimillu ataatsimoorluta pilersitatsinnit aalajangerneqartussaavoq. Tamatta immikkut piujartitsisumik ineriartortitseqataanissatsinnut akisussaaffeqarpugut. Ineriartortitsineq inuiaqatigiinnut peqataaffigisatsinnut naleqalersitsisussaq.

Tusassi CSR Greenlandimut Transparency International Greenlandimullu ilaasortaavoq. Tassaapput Kalaallit Nunaanni niuernerup iluani piujartitsinissamik akisussaassuseqarnermillu siuarsaasut. Akisussaaffipulli nunap iluaniiginnangilaq, nunanili tamalaani soqutigisaqaqatigiinnut atassuteqarnitsinniipportaaq. Taamaattumik UN Global Compactimi nunanut tamalaanut tunngaviit 10-t ilannguffigisimavagut. Taakkumi inuiaqatigiinni avatangiisimilu piujartitsinissamik, kiisalu niuernerup iluani akisussaassusilimmik pissuseqarnissamik – inuit pisinnaatitaaffiinut, sulisut pisinnaatitaaffinnut, avatangiisimut, ileqqorlunnissamillu akiuiniarnermut tunngatillugu – siuarsaanissamut suliaqartuupput. Tunngaviit qulit nunanut tamalaanut atuuttut, nammineq ingerlatsinitsinni suliatsinnilu nalilinni piujartitsisumik suliaqarnissatsinnik pisussaaffiliipput. Saniatigut aamma FN-ip nunarsuarmi piujartitsisumik ineriartortitsinissamut anguniagai 17-t peqataaffigaagut.

Code of Conducttitta ingerlatseqatigiiffiup pisussaaffitsinnik tapersiinissaa ataqqinninnissaalu qulakkiissavaa.

Atorfinititsinermut suliffimmilu avatangiisinut tunngatillugu sumiiffimmi inatsisit malittussaavagut. Eqqunngitsuliorluni pissusilersornerit, taassumalu ataani qinngasaarinerit, tiinganiarsaralunilu akornusersuinerit Tusassip akuerisarinngilai. Sulisoq kinaagaluarpalluunniit, sumiuussuseq, piorsarsimassuseq, suaassuseq, ukiut imaluunniit suaaraqatinoortuuneq il.il. tunngavigalugit assigiinngisitsisoqassanngilaq. Niuernitsinni tamakku misigineqarpata, ingerlaannartumik iluarsineqassapput.

Ileqqorlunnissamut akiliillunilu peqquserlutsitsinernut akiuiniarneq

Politikkimut linki: [Peqquserluttuliornaveersaartitsineq.pdf](#)

Tusassimi ileqqorlunnerit, akiliilluni peqquserlutsitsinerit imaluunniit niuernermi ileqqorissaannginnerit qanorluunniit ittut akuerineqanngillat. Niurnerup iluani aallaavittut tunisineq imaluunniit tunisineq iluaqutissallunniit allat, akiliilluni akuersititsinertut isigineqarsinnaasut inerteqqutaapput. Pisiniarnermi aalajangiinerni najoqqutarisat objektiviunissaat qulakkeerniarlugu, pisiniarnermut immikkoortortaqarfiup isumaqatigiissutinik atsiornissaq akisussaaffigaa, taakkumi objektiviusussaapput.

Akerleriinnerit qanigisamillu pingaarnerutitsinerit

Pisiortorfiit soqutigisaqaqatigiillu allat akornanni, niuernermi aalajangiinerni, inuttut soqutigisat sunniisussaangillat; taassumalu ataani ilaqtanik kammalaatinilluunniit, inuttut nammineq attaveqaatit tunngavigalugit pingaarnerutitsinerit. Atorfinititsinerni HR peqataajuannarpoq, objektivimillu iliortussaalluni, taamaalilluni akerleriinnerit qanigisamillu pingaarnerutitsinerit pinngitsoortinnissaat qulakkeerneqassaaq.

Paasissutissanik illersuineq paasissutissanullu tunngatillugu isumannaassuseq

Politikkimut linki: [paasissutissanut_politikki](#)

Paasissutissanik illersuinerup isumannaassutsillu pitsaaneruleqqinnissaanut, pitsaassutsillu tamanut atuuttut naapertorlugit Tusassi sulii aqaqissuulluakkamik suliaqarpoq.

Paasissutissanik illersuinermi isumannaallisaanermilu inatsisit atuuttut malinneqarnissaat qulakkiissavarput. Paasissutissat inunnut tunngasut illersornissaat, isumagisarnissaat, isumannaatsumik akisussaassusilimmillu atorineqartarnissaat pisussaaffigaarput.

Paasissutissat inunnut tunngasut suliarisartakkatta, inatsisit malillugit naapertuuttumik suleriaatsimillu ammasumik suliarineqartarnissaat qulakkiissavarput. Paasissutissat inunnut tunngasut, siunertatsinnut pisariallit naapertuuttullu kisimik katersorneqartassapput suliarineqartassallutillu.

Paasissutissaatitta innarligassaanginnissaannut, tatiginartumik suliarineqartarnissaannut takuneqarsinnaanissaannullu tekniskimik aqaqiissuussaanikkullu aqaqiinernik naapertuuttunik atuutilersitsissaagut. Tassani ilaallutik (taakkuinnaanatilli) paasiuminaallisaaneq, isersinnaanermut nakkutilliineq paasissutissanillu tammarnaveersaartitsineq.

Avatangiisit nukilu piujuartitsisoq

Politikkimut linki: [Avatangiisit-aamma-silap-pissusaa.pdf](#)

Kalaallit Nunaanni inuussutissarsiortunut innuttaasunullu sumiluunniit najugalinnut periarfissat pitsaanerpaat qulakkeerniarlugit ullut tamaasa suliaqartarpugut. Tamanna Kalaallit Nunaanni atuisukitsumi, ungasissutsini annertuuni silartunnikkaamilu unammillernartuuvog.

Oqarasuaateqarnermi attaviit qulakkeerniarlugit nukit annertuut pisariaqartarput, taamaattumik suliniutitta pingaarnerit ilaat tassaavoq nukissiornerup piujuartitsisup annertunerulersinnissaa, soorlu seqernup qinngorneranik anorimillu nukissiorneq.

Avatangiisimut silallu pissusaanut pitsaanngitsumik sunniisarneq minnerpaamiitissavarput pinaveersaartillugulu. Avatangiisinut tunngatillugu unammillernartut pinaveersaartinnissaannut suleqataassaagut, sumiiffinnilu nunarsuullu sinnerani avatangiisimut tunngatillugu akisussaaqataaneq siuarsassallugu. Avatangiisinut politikkitsinni akisussaaftik tamanna tiguarput.

Unioqutitsinerit

Tusassi Code of Conductimik iliutsitigut unioqutitsinernik nalaataqaruni, pisortamut qaninnermut HR-imulluunniit paasititsissaaq. Unioqutitsineq annertussuseq naapertorlugu kinguneqartinneqassaaq. Tamanna atorfirmut sunniuteqarsinnaavoq, unioqutitsinerlu pillarneqaataasussaappat, politiinut unnerluutigineqassalluni. Pisoq aalajangersimasooq Code of Conductimut naapertuunnersooq nalornissutigigukku, paasissutissanik illersuinerlut siunnersorti imaluunniit HR saaffigissavat.

HR-imi imaluunniit pisortani unioqutitsisoqarpat, Tusassip whistlebloweriatigut tamanna nalunaarutigineqassaaq. Ingerlatseqatigiiffiup intranetiani nittartagaanilu tamanna nassaarineqarsinnaavoq.

Whistleblowereqarneq

Politikkimut linki: [whistleblowerordning](#)

Niuernitsinni pissuserissaarnissamut, niuernerup iluani- imaluunniit inatsisitigut unioqutitsisoqartillugu imaluunniit unioqutitsinernik pasitsaassinermi, whistleblowerereqarneq aqutigalugu sulisut, siulersuisunut ilaasortat suliffeqarfiullu iluani avataanilu soqutigisaqaqatigiit periarfissinneqarput, kinaassutsiminnik isertuussillutik ingerlatseqatigiiffimmut attuumassutilimmik nalunaarutiginninnissaminnut.

Nangitsineq

Ingerlatseqatigiiffiup Code of Conductiata ullumikkumut pisussaaftitsinnullu naleqquttuunissaa qulakkeerniarlugu, ukiut tamakkiallugit nalilersorneqartassaaq.

Immikkoortortaqarfik akisussaasoq

Iliusissatut pilersaarut & piujuartitsineq.

Akuersinerit

Pisortanit akuerineqarpoq ulloq 20. december 2023.

Paasisaqarnerorusukkaanni piujuartitsinermut suliaqartut attavigineqarsinnaapput:
baeredygtighed@tusass.gl